

Akileraarusiinermik aalajangiisartut aalajangiinerat

Ilisarnaat: 2016-118109
Ulloq aalajangiiffik: 27. april 2017
Aalajangiineq saqqummiunneqarpoq:
Ukioq aningasarsiorfik: 2012 – 2014
Suliaq: Akileraarutit
Suliamut oqaasertaq: Biilimik illumillu akeqanngitsumik atugaqarneq najugaqarnerlu

Eqikkaaneq

Naammagittaalliuummi pineqarput ajunngitsorsianik akeqanngitsunik akileraarusiineq, tassa Kalaallit Nunaanni illumi akeqanngitsumik ineqarnermut akileraaruserneqarneq aammalu Kalaallit Nunaata avataani akeqanngitsumik biileqarnerup nalinganik akileraaruserneqarneq.

Suliami tunngavippiaasut

Naammagittaallioroq ingerlatseqatigiiffinnut XX ApS-imut aamma ZZ ApS-imut annerpaamik piginneqataallunilu pisortaaneruvoq. Ingerlatseqatigiiffiup XX ApS-ip naammagittaallioroq akeqanngitsumik biileqartinneratigut, telefoneqartinneratigut ineqartinneratigullu ajunngitsorsiaqtissimallugu nalunaarutigaa.

Ineqartinneranut tunngasut:

Naammagittaallioroq XX ApS-ip Nuummi inissiaataani 10. januar 2011-miilli najugaqarsimavoq. Illup pissarsiarinerata akia ingerlatseqatigiiffiup naatsorsuutaani kr. 1.410.000-nut alassimavoq. Naatsorsuutit malillugit ukiuni aningasarsiorfinni 2012-imiit 2014-imut illuutigisamut aningasartuuteqartoqarsimavoq katillugit kr. 284.371-inik, kr. 257.769-inik aamma kr. 133.370-inik. Taakkunannga ineqarnermut akiliutit ukiuni aningasarsiorfinni 2012-imi aamma 2013-imi allanneqarsimapput kr. 206.440-t aamma kr. 162.000-it. Ingerlatseqatigiiffiup naatsorsuutaani ukiunut aningasarsiorfinnut pingasunut taakkununnga innaallagissamut, imermut, kiassarnermut il.il. aningasartuutit allanneqarsimapput kr. 49.152-it, kr. 54.654-it aamma kr. 53.342-t. Ingerlatseqatigiiffik inini attartukkani suliffeqarfittut adresseqarsimavoq december 2013-ip tungaanut, atuinermullu aningasartuutinut ilaasimavoq attartornermut akiliut, taamaalilluni naatsorsuutini atuinermut aningasartuutit taamaallaat illumut naammagittaalliuuteqartup najugaqarfigisaanut tunngapput.

Ingerlatseqatigiiffiup akeqanngitsumik ineqartitsinerup nalinga ukiunut aningasarsiorfinnut 2012-imiit 2014-imut kr. 51.160-inut, kr. 85.060-inut aamma kr. 85.060-inut nalunaarutigisimavai. Naammagittaalliorup nammineerluni nalunaarsukkaminut akeqanngitsumik ineqarnermi nalinga kr. 51.160-inut, kr. 74.189-inut aamma kr. 85.060-inut taggissimavaa. Akileraartarnermut Aqutsisoqarfiup inaarutaasumik naatsorsuinerit nalinginnaasut nalilerneranni nalingi qaffappai 2012-imi kr. 85.060-inut, 2013-imilu kr. 74.189-inut apparlugit,

naammagittaallior tup nammineerluni 2013-imut nalunaarsukkaminut nalinga appasinnermut inississimammagu ineqarnermini pissutsit 1. december allanngorsimanerat pissutigalugu.

Ingerlatseqatigiiffiup ingerlatsinini ulloq 1. december 2013 najugaqarfingeqartumut nuuppa.

Naammagittaallior tup naapertorlugu inini quleriinni allit tamatuma kingorna ingerlatseqatigiiffimmut atugassanngortinneqarput, qalianili init, tassalu ini sinittarfillu, naammagittaallior tup atugassanngortinneqarlutik.

Init allit tassaapput uffarfik inerujussuarlu iggavittalik inerujussuarmut atasumik. Inimi angisuumi tassani nerriveqarpoq ataatsimiinnermut nerinermullu atorneqartartumik, nerriviit allaffiusut marluk, atuagaasiviit, inillu illuatungaani majuartarfefqarpoq qalianukartarfiusunik. Inini allerni aamattaaq ineeraliorqarsimavoq ingerlatseqatigiiffimmit ZZ ApS-imit naammagittaallior tup kisimiilluni aggorermik piginneqataaffigisaanit atorneqartumik.

Naammagittaallior tup Akileraartarnermut Aqutsisoqarfiullu peqatigiillutik illu tamakkerluni 97,9 kvm-isut angitigisoq naatsorsorpaat, taakkunannga 27,91 kvm-i qaliaalluni aammalu 22,95 kvm-i ilangussaalluni. Qaliani iikkat uingasut naatsorsuinermut annikillisaataapput.

Akileraartarnermut Aqutsisoqarfiup naammagittaalliorq illumik tamarmiusumik atuisutut naatsorsuitigaa, inuussutissarsiornermut atorneqarnera naammagittaallior tup ininik atuineranik killilersorneqanngimmat. Illumik akeqanngitsumik tamakkiisumik ilaannakortumilliunniit akileraaruteqartarneq pillugu nalunaarut nr. 61 malillugu nalinga nalilersorneqarpoq.

Akileraartarnermut Aqutsisoqarfiup illup nalinga imatut naatsorsorpaa:

	2012	2013	2014
Ingerlatsinermut tapiliussat (97,9 m ²)	97,9 m ² á 385 kr. = 37.692 kr.	97,9 m ² á 404 kr. = 39.552 kr.	97,9 m ² á 410 kr. = 40.139 kr.
Iluanaarutit 1.410.000 kr.-it 1,5%-ii	21.150 kr.	21.150 kr.	21.150 kr.
Innaallagissamut kiassarnermullu il.il.	49.152 kr.	54.654 kr.	65.342 kr.
Inuussutissarsiuummik ingerlatsinerup atuine- ranit (missiliugaq)		-1.000 kr.	-12.000 kr.
Katillugit	107.994 kr.	114.356 kr.	102.631 kr.

Kalaallit Nunaata avataaniitilluni billeqarnermut tunngasut:

Naammagittaallior tup sullitanik ataatsimeeqateqarnernut arlaleriarluni 2013-imi Danmarkimi peqataasarsimavoq. XX ApS biilimik attartorpoq naammagittaallior tupullu atugassanngorlugu. Biili juunip 30-

ani Hamburgimut aaneqarpoq, Kastrupimilu tunniunneqarluni ulloq 9. juli, biilillu kilometerilersuutaa naapertorlugu piffissami tassani 3.148 km-ini ingerlasimavoq.

Naammagittaalliorup Kalaallit Nunaata avataani akeqanngitsumik biileqartinneqarnerup nalinga nammineerluni nalunaarsuinerminut ilanggussimangnilaa.

Naammagittaalliorup nalunaarutigaa biilimik angalanini ullaat tamaasa allattortarsimallugit, tamannalu tunngavigalugu inuussutissarsiummut atasumik biilerneq naatsorsorsimallugu 1.970 km-inut.

Naammagittaalliorup regnearki ullulersugaq, ornitanik km-erinillu biilerfiusimasunik allattuiffigisaq tunniuppa. Privatimik biilernerit naammagittaalliorup immikkoortunngorlugit allattorsimangnilai.

Akileraartarnermut Aqutsisoqarfiup 1.084 km-it inuussutissarsiummut atasumik biilernertut kisiisa akuersaareerpai ornitatut allattorneqarsimasut aammalu Krak naapertorlugu ungasissutsinik naatsorsuinerit tunngavigalugit. Privatimik biilernerit 2.000 km-inut nalilerneqarput, biilillu Kalaallit Nunaata avataani akeqanngitsumik atugassanngortinnejartut nalingat naatsorsorneqarpoq 4 kr. x 2.000 km-inut Kaajallaasitaq nr. 1, 17. september 2012-imeersoq aammalu Nalunaarummi nr. 68-imi, 1. oktober 2012-imeersumi afsnit H naapertorlugu.

Akileraartarnermut Aqutsisoqarfiup naammagittaalliorup inuussutissarsiummut atasumik naapiffiusutut paasissutissiissutigisai, marlussuit minillugit, tunngavigai. Naapiffiit marlussuit inuussutissarsiummut atasumik naapiffittut naatsorsuunneqanngillat uppermarsaatitaqannginerat pissutigalugu. Akileraartarnermut Aqutsisoqarfiup naammagittaalliuummik suliaqarneranut inuussutissarsiummut atasumik naapiffisanut biilerneq ilimanarnerulersinneqarpoq. Inuussutissarsiummut atasumik biilernerit allat 389 km-inut naatsorsorneqarput.

Naammagittaalliorup paasinninna

Naammagittaalliorup paasinninna malillugu, illumik biilimillu akeqanngitsumik ineqarnerup nalinga annikillisinneqartariaqarpoq.

Illumi akeqanngitsumik ineqarnerup nalinga:

1. Piumasaqaat pingarneq: Illumik akeqanngitsumik ineqarnerup nalinga akeqanngitsumik ineqarnermut malittarisassat malillugit annertussusilerneqartariaqarpoq, illu 2013-imi decemberimili inuussutissarsiornermut ineqarfittullu atorsimammat.
2. Taarsiullugu piumasaqaat: Atuinernut aningaasartuutit ilaat annertunerit inuussutissarsiornermut tunngasumik atuinermut tunngatinneqassapput.

1-imut tunng.: :

- Naammagittaalliorup ineqarfia taamaallaat ineeqqani ineqartitaaffiivoq, inissiavittullu isigineqarsinnaanani, tassami init allit ingerlatseqatigiifimmit ingerlanneqartumit suliffeqarfimmit

- atorneqarmata. Sullinneqartut qaqugukkulluunniit iseriataarsinnaapput, taamaattumik naammagittaallioraq illumik akeqanngitsumik taamaallaat atugaqarsinnaavoq Nalunaarummi nr. 68-imi 1. oktober 2012-imeersumi ineqqatut ineqarfiusinnaasutut nassuaatigineqartunik naammassinnittumik.

Ad. 2:

- Ineqarfip akileraaruserneqarnera akuerineqanngippat, taava akeqanngitsumik ineqartitaanerup nalinga naatsorsorneqarsimasoq appartittariaqarpoq, naammagittaallioraq illumup ilaannaanik atuisuunera eqqarsaatigalugu aammalu atuinernut aningaasartuutit annersaat akeqanngitsumik ineqartitaanerup nalinganit peerneqartariaqarlutik. Illup angissusaa tamarmiusoq 97,70 kvm-iuvooq, qalia 27,91 kvm-i taamaallaat privatimik atorneqarluni.
- Akeqanngitsumik najugaqartitaanerup nalinganik naatsorsuineremi, annikitsuinnarmik oqorsagaanera pillugu aamma appartitsisoqartariaqarpoq.

Biilit akeqanngitsumik Kalaallit Nunaata avataani atorneqartartut nalingat:

Naammagittaallioraq isumaqarsimavoq Danmarkimi biilernerminut akileraaruserneqassanani Kalaallit Nunaanni akeqanngitsumik ukioq naallugu biileqarnermi nalinganut akileraarusigaareerami. Taamaattumik biilernini naatsorsuuusiorsimangilaa, kingornali allattortariaqarsimallugit.

- Inuussutissarsiornermut atasumik biilernerit kilometeriisa amerlassusaat naammagittaallioraq illumup kilometerikkaarlugit naatsorsuuisiaanut naapertuuttunngorlugit annertussusilerneqartariaqarput.
- Naammagittaallioraq illumup inuussutissarsiornermut atasumik biilernermini kilometerit amerlassusaat naatsorsorsimavai ullup naanerani biilip kilometerilersuutaata takutitai tunngavigalugit.
- Naammagittaallioraq illumup kilometerit biillerfigisimasai Google Map-ip takutitaaniit amerlanerupput, motorvejekkut ingerlanissaq toqqarsimangimmagu, aqqutissarinngisamigut ingerlasimagami, aqqusinermerik suliaqarneq pissutigalugu allakkut ingerlaqquaasimagami aammalu allakkuutsiartarsimagami neriartorneq orsernerillu pissutigalugit.

Inatsisit allassimaffiinut inatsisillu maleruarneqarnissaannut innersuussutit

Aningaasarsiat akileraaruteqaataasussat:

Aningaasarsiat akileraaruteqaataasussat tassaapput ukiumut isertitat tamarmiusut, apeqqutaatinnagu aningaasaanersut imaluunniit pisuussutaagunik aningaasanik naliliunersut aammalu apeqqutaatinnagu Kalaallit Nunaannit nunamiilluunniit allamit pisuunersut, tak. Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§-it 13 aamma 14.

Aningaaasarsianit akileraarutit pillugit inatsimmi § 14 naapertorlugu aningaaasarsiat akileraaruteqaataasussat ilaatigut tassaapput aningaaasarsiat, akiliinani allat pigisaannik atuineq aammalu aktianit anpartinillu iluanaarutisiatigut aningaaasarsiat.

Akeqanngitsumik ajunngitsorsiat nalingi:

Aningaaasarsianit akileraarutit pillugit inatsimmi § 19-imik sulisup sulisitsisuminit akeqanngitsumik biilimik atugassinneqarnerata nalinga pillugu toqqaannartumik inatsiseqarpoq. Inatsimmi aalajangersaaneq Kalaallit Nunaanni akeqanngitsumik biileqartinneqarnerup akileraarutaasarnera pillugu kaajallaasitamik ilaqartinneqarpoq.

Akileraartarnermut Aqutsisoqarfiup ukiut tamaasa akeqanngitsumik ajunngitsorsiat allat sulisitsisumit atugassanngortinneqartut nalinginik akileraarusiisarnerit pillugit ilitsersuutit malittarineqartussat aammattaaq saqqummiuttarpai, taakkulu Kalaallit Nunaata avataani tassaapput biilit akeqanngitsumik atugassiissutaasut nalingi, akeqanngitsumik ineqarneq, akeqanngitsumik nerisaqarneq aammalu akeqanngitsumik telefoneqarneq.

Kalaallit Nunaata avataani biilit akeqanngitsumik atugassiissutit:

Kalaallit Nunaata avataani biilinik akeqanngitsumik atuinerup nalinganik akileraaruteqarnissamut ilitsersuutit malittarineqartussat, Akileraartarnermut Aqutsisoqarfiup ukiut tamaasa saqqummiuttarpai. Ukiumut aningaaasarsiorfimmut 2013-imut tamanna pivoq Nalunaarutikkut nr. 68-ikkut 1. oktober 2012-imeersukkut.

Naalakkersuisut aalajangiuppaat, biilimik Kalaallit Nunaata avataani privativik atorneqarsinnaasumik sulisitsisumit atugaqartinneqarneq ukiumut aningaaasarsiorfimmut 2013-imut aalajangersarneqartoq km-imut ataatsimut 4,00 kr.-inut. Kilometerimut akimut apeqqutaanngilaq biilip atugassanngortinneqartup sorliunera.

Kilometerit amerlassusaat biilersimanermut naatsorsuutitigut assigisaatigulluunniit uppermarsaaserneqassapput. Tamanna ajornarpat, missiliuinikkut annertussusilerneqassapput. Qanoq missiliuisoqarnissaa pillugu malittarisassiorqarsimangilaq.

Missiliuineq missingersuutaavoq, tassa tunngavissaqarpat allanngortinneqarsinnaavoq. Tassannga allaanerusumik pisoqarsinnaaneranut suli periaassisaliortoqanngilaq.

Akeqanngitsumik ineqarneq:

Akeqanngitsumik ineqarnermut aki Nalunaarutikkut nr. 68-ikkut saqqummiunneqarpoq. Nalinga ukiumut kr. 15.300-nut annertussusilerneqarpoq. Nalunaarut malillugu akeqanngitsumik ineqarneq ima paasineqassaaq, atorinititsitaanermut atatillugu ineeqqamik, inissiaaqqamik (ineeraq igaffeerartalik) assigisaanilluunniit taaneqarsinnaasoq. Inigisaq inissiavittut taaneqarsinnaasuussanngilaq.

Akeqanngitsumik ineqartitaaneq:

Ukiunut aningasarsiorfinnut 2012-imut 2014-imut akeqanngitsumik tamakkiisumik ilaannakortumilluunniit ineqartitaanermi akileraarusiineq, Akileraartarnermut Aqutsisoqarfip Nalunaarutaatigut nr. 61, 8/9 2011-meersukkut, nr. 67, 1/10 2012-imeersukkut aamma nr. 75, 4/10 2013-imeersukkut nalunaarutigineqarput.

Akeqanngitsumik ineqartitaanermik akileraarusiineq tassaavoq inigisap nalinganik, akeqanngitsumik atuinerup nalinganik aammalu pequsersugaasimappat pequsersuinerup nalinganik akileraarusiineq. Inigisap nalinga naatsorsorneqartapoq ingerlatsinermut aningasartuutinut akiliutit aamma illup nalingata qaffariaateqarnerata nalingata katinnerannik. Ingerlatsinermut aningasartuutinut akiliut kvm-imut akiuvoq Naalakkersuisunit aalajangersarneqartoq. Ilaqutariinnut ataatsinut imaluunniit illunut marloqiusanut akiliut ukiunut aningasarsiorfinnut 2010-miit 2014-imut kr. 385-iuvoq, kr. 404-voq aamma kr. 410-uvoq.

Ilaqutariinnut arlariinnut inissianut akit tassaapput kr. 426, kr. 447 aamma kr. 454.

Ukiunut aningasarsiorfiusunut tamanut illup nalingata qaffariaateqarnera illup napparneqarnerata nalingata 1,5 %-ianik naleqartutut naatsorsorneqarpoq. Illup napparneqarnerata nalinga m2-imut minnerpaamik kr. 7.000-iuvoq aammalu m2-imut annerpaamik kr. 15.000-iulluni.

Illup napparneqarnerata nalinga m2-imut 7.000 kr.-inut nalilerneqarsimappat, piviusulli malillugit appasinnerulluni, napparneqarnerata nalinga m2-imut 7.000 kr.-inut nalilerneqarnera m2-imut 1.000 kr.-inik apparinnejartassaaq uffarfik/anartarfik, imeq amigaataappata imaluunniit 250 mm-it ataallugit oqorsarneqarsimappat.

Inissiap annertussusaa Illuutinik najugaqarfissatut attartortitsisarneq pillugu Namminersornerullutik Oqartussat nalunaarutaanni nr. 12, 23. april 2008-imeersumi kapitel 7 naapertorlugu suliarineqartapoq.

Nalunaarutip §§-ii 35-miit 37-mut naapertorlugit inissiap annertussusaa naatsorsorneqartapoq silataani iikkamiit silataanni iikkamut. Inissiap annertussusaanut inissiami majuartarfiit ilangunneqartarput. Naqqup ataa tamakkerluni inissiatut atorneqanngikkaangat, annertussusaa assingusumik naatsorsorneqartapoq. Naqqup ataa inissiatut atorneqanngikkuni, quitulli inissiap annertussusaata uuttortarnerata sisamararterutaanik naatsorsuinermut ilangunneqassaaq.

Kapitali 7

Inissiap annertussusaanik naatsorsuisarneq

§ 35. Ineqamermut akiliutissap aamma ineqamermut akiliummik qaffaanissap aalajangersarneqamissaanut atugassatut inissiap annertussusaa §§ 36 aamma 37 naapertorlugit naatsorsorneqassaaq.

§ 36. Ilaqutariinnut arlalinnut inissiani, inissiami init tamarmik inissiap annertussusaanut ilaatinneqassapput. Pequusiviit quilluunniit, inissiamit avinngarusimasumut inisitaasut ilangunneqassangillat.

Imm. 2. Ilaqutariinnut arlalinnut inissiani inissiap ataatsip naatsorsorerani silataani iikkamiit imaluunniit qaliani

silataani iikkamiit, tak. § 37, imm. 3, aamma inissiat aggomerisa qeqqanniit uuttuisoqassaaq. Ilaqtariinnut arlalinnut inissiani illup isua inissiat aggomeranni iikkatut affartut naatsorsuinermut ilanngunneqassaaq.

Imm. 3. Inissiami majuartarfiit annertussutsimik uuttortaanermi inini quleriinni atomeqarfingisaminni ilanngunneqassapput.

§ 37. Ilaqtariinnut ataatsinut illuni illunilu affarleriinni inissiap annertussusaa imm. 2-5 malillugit naatsorsomeqassaaq.

Imm. 2. Inissiap quleriivini inissap annertussusaata uuttomerani, illup silataani qisuup silarliup tungaaniit takissusaanut silissusaanullu amerlisitsilluni naatsorsuinikkut uuttuisoqassaaq. Qisunni qalliuutasuni 2-ni qisuup alliup silataaniit uuttuisoqassaaq. Ukiuunerani naatsiiviit inissiap annertussusaanut tamakkiisumut ilaatinneqassanngilaq.

Imm. 3. Qaliaq inigisassatut iluarsaanneqarsimappat inissiap annertussusaanut ilanngullugu naatsorsomeqassaaq. Qaliani inigisassap uuttortamerani takissusaanut silissusaanullu amerlisitsilluni naatsorsuiseqassaaq. Qaliani takissuseq inissiap quleriivini nalinginnaasuni uuttuisarmertut uuttorneqassaaq, silissuserlu silami qaliat qalliuasta qaliap naqqaniit 1,5 meterinik portussuseqartut akornanni uuttorneqassalluni. Ilasutit, soorlu aniangarnit, iikkat inimut killiliisutaasut silataannit uuttomeqassapput.

Imm. 4. Naqqup ataani inissiap annertussusaata uuttomerani naqqup ataata silataani iikkaniit takissusaanut silissusaanullu amerlisitsilluni naatsorsuinikkut uuttuisoqassaaq. Naqqup ataa tamakkerluni inissiatut atomeqannippat, inissiap annertussusaa iikkat, ininiq inissiap uuttortamerani ilanngunneqartussanut killiliisut ilorliit qeqqanniit uuttuisoqassaaq. Init naqqi tamakkerlutik cementimik betonimilluuniit qallerneqannippata, taakku uuttortaanermi ilanngunneqassanngillat. Naqqup ataata quillu uuttortaanermut ilanngunneqamerani annertussutsip sisamararterutaa inissiap annertussusaata imm. 2 naapertorlugu uuttomeranut ilanngunneqassaaq.

Imm. 5. Inissiami majuartarfiit annertussutsimik uuttortaanermi inini quleriinni atomeqarfingisaminni ilanngunneqassapput.

Akileraarusiinermik aalajangiisartut nalilersuineri tunngavilersuutaallu

Naammagittaalliorup biileqartinneqarnera ineqartinneqarneralu isumaqatigineqarpoq.

Isumaqatigiinngissutaavorli annertussusaa, taamaalillunilu aamma pineqartunik atugassaqartinneqarnerup nalinga.

Ineqarnermut tunngatillugu:

Naammagittaalliorup inaa akeqanngitsumik inigisatut isigineqarsinnaanngilaq. Illu ingerlatseqatigiiifianit atorneqaraluaruniluuniit allannguutanngilaq illumik tamarmik atuisinnaanera, aaqqissuussaanerami privatimik atugassatut naleqqutinngilaq. Inimi allermi igaffeqarpoq nerriveqarlunilu inuussutissarsiummik ingerlatsineq eqqarsaatigalugu privatimik atorneqartussatut aaqqissuussaanera naleqqunnani.

Ini alleq ineerannguaqarpoq nalunaarutigineqartut malillugit ZZ ApS-imit-/mut atorneqartumik. Privatimik atugassatut nalinginnaasumik aaqqissugaanngilaq, kisianni aamma illumik piginnittoq, najukkamit tassanngaanniit aamma suliffeqarfimmik ingerlatsisoq, XX ApS, eqqarsaatigalugu aaqqissugaanngilaq. ZZ ApS XX ApS-imik attartortunera pillugu paassisutissaateqartoqanngilaq. Ingerlatseqatigiiifit pineqartut marluk taakku akornanni soqtigisaqaqatigiinneq matuma kingorna naammagittaalliorumiilersutut isigisariaqarmat, tassa piginneqataassummik annerusumik pigisaqartutut, ZZ ApS-imut ineeqqamik aaqqissuussineq naammagittaalliorup soqtigisaatut isigisariaqarpoq.

Akileraarusiinermik aalajangiisartut naammagittaalliorup illumini init allit suliffeqarfimminut atugarigai qularutiginngilaa. Illumili avissaaqqasutut immikkoortortaangilaq, inillu allit aammattaaq privatimik atortagaatut isigineqartariaqarput. Ersarissumik avissaaqqasunngorsimasuuppata, illu inuussutissarsiornermut immikkoortortalittut aammalu privatimik najugaqarfittalittut isigineqarsinnaassagaluarpoq, aatsaalli takuneqarsinnaappat inuussutissarsiummik ingerlatamatut ilaa aaqqissunneqarsimasoq aammalu tassungaannaq atorneqartartoq.

Akileraarusiinermik aalajangiisartut matuma kingorna isumaqarput, XX ApS-ip illu inuussutissarsiornermut atugarigaluarpaguluunniit, taava naammagittaalliorq illumik tamarmiusumik atuisinnaasutut isigisariaqartoq aammalu akeqanngitsumik ineqarnerup nalinga naatsorsorneqartariaqartoq Akileraartarnermut Aqtsisoqarfiup akeqanngitsumik tamakkiisumik ilaannakortumilluunniit ineqartitaanermi akileraarusiinermut najoqqtassiaa malillugu. Akileraartarnermut Aqtsisoqarfik akit il.il. najoqqtassiami allattorneqartut atorlugit naatsorsuusiorpoq. Illup annertussusaa 97,9 m²-i, naammagittaalliorup Akileraartarnermullu Aqtsisoqarfiup uuttortaanerink tunngaveqartoq naatsorsuusiorfigineqarpoq.

Naammagittaalliorq isumaqarpoq akeqanngitsumik ineqarnerup nalinga appartinneqartariaqartoq illup pitsaanngitsumik oqorsagaanera eqqarsaatigalugu. Taamatut piumasaqaateqarneq akuerineqarsinnaanngilaq, ilitsersuusiaq naapertorlugu annikillisitsinissami piumasaqaataammat illup sananeqarnerani aki minnerpaamik m²-imut kr. 7.000-inut annertussusilerneqarsimassasoq, tassangali ersarissumik appasinnerulluni. Pisumi uani illup sananeqarnera 1.410.000-inut allanneqarsimavoq, m²-imut inissatut naatsorsuussamut kr. 14.402-julluni, taamaattumillu appartitsinissamut tunngavissaqanngilaq.

Naammagittaalliorq taamaattoq aammataaq isumaqarpoq naliusoq annikillineqartariaqartoq atuinernut aningaasartuutinut akiliutigisanik annertusisitsinikkut, taakkumi aamma akilerneqartarmata ingerlatseqatigiiffiup najukkami tessani inuussutissarsiummik ingerlatsineranut iluaqtissatut. December 2013-imiit atuinernut aningaasartuutaasimasut ingerlatseqatigiiffiup najukkami tessani ingerlanneqarneranut iluaqtissamik kiassarnermut ilaasimancerat ilumoorpoq. Illup tamarmi naammagittaalliorup privatimik atugassaatut isigineqartariaqarpat, apeqqutaalerpoq ingerlatseqatigiiffiup iserternerata kingunerinnginneraa atuinernut aningaasartuuteqarnerulerneq. Atuineq allanngorsimanngippat atuinernut aningaasartuutit ingerlatseqatigiiffimmut aningaasartuutaasimasutut isigineqarsinnaanngillat. Ingerlatseqatigiiffiup aningaasartuummik akiliisarnera taamaattoqarsimappat naammagittaalliorup soqutigisai aallaavigalugit pisimassaaq, taamaakkamillu ingerlatseqatigiiffimmut ilanngaatigineqarsinnaatitaallutik naammagittaalliorumut akissarsiatut aammalu assinganik naammagittaalliorumut akileraaruteqaatasussaallutik ingerlatseqatigiiffimmit ajunngitsorsiassatut pissarsiarisatut.

Ukiuni aningaasarsiorfiusuni naammagittaalliuutigineqartuni pingasuni atuinerit tagginneqarput kr. 49.152-inut, kr. 54.654-inut aamma kr. 53.342-nut. Taamaallaat 2013-imi december qaammat aammalu ukiumi aningaasarsiorfiusumi 2014-imi ingerlatseqatigiiffik najukkaminngaanniit suliffeqarfimmik ingerlatsivoq. 2012-imiit 2013-imut atuineq qaffariaateqangaatsiarpoq, decemberiinnarmili ingerlatseqatigiiffiup

naammagittaallioraq najukkami ataatsimi najugaqatigisimammag, qaffariaammik tamannaannaq pissuteqarnavianngilaq. Akileraartarnermut Aqutsisoqarfiup inuussutissarsiummik ingerlataqarnermik tunngaveqartumik qaammammut 1000 kr.-it missinginut annertussusiliivoq. 2014-imik 20 %-ingajannik aningaasartuutip annikillisinnera missiliormag, tamanna naleqqutinngitsumik naliliinertut isigineqarsinnaanngilaq.

Matuma kingorna Akileraarusiinermik aalajangiisartut inernilerpaat, ukiuni aningaasarsiorfinni 2012-imiit 2014-imut akeqanngitsumik ineqarnerup nalinganik naatsorsuineq aalajangiusimaneqassasoq.

Danmarkimi biilimik atugaqartinneqarnermut tunngasoq:

Biilip katillugit 3.151 km-it ingerlasimanera tunngaviliunneqarpoq, naammagittaalliorullu nalunaarutigaa taakkunannga 1.970 km-it inuussutissarsiummut attuumassuteqartut, tassalu 1.181 km-it privativik biilernerusimassallutik. Akileraartarnermut Aqutsisoqarfiup privativik biilernerup 2.057 km-iunissa naatsorsuutigaa, aqusisoqarfiullu akunnaallisippai 2.000 km-inut. Taamaalilluni 819 km-it á 4 kr.-illit, imaluunniit kr. 3.276-it akileraarusigassat isumaqatigiinngissutaapput.

Akileraarusiinermik aalajangiisartut suliassamik suliarinninnerannut atasumik biilerfiusimasut allat 389 km-it inuussutissarsiummut attuumassutilittut tunngaveqarnissaat ilimanarnerulersippaat, privativillu biilernerit 2.000 km-inut nalilerneqartut matuma kingorna annikillisinneqarput 1.611 km-inut. Danmarkimi akeqanngitsumik biileqartinneqarneq taamaalilluni naatsorsorneqarpoq 1.611 km á 4 kr. = 6.444 kr.-inut.

Akileraartarnermut Aqutsisoqarfiup naammagittaalliorup inuussutissarsiummut attuumassuteqartunut naapiffinnut isorartussutsit nalunaarutigisai akuersaanngilai.

Naammagittaalliorup inuussutissarsiummut atasumik kilometererpaalunniq biilersimanerminut ilaatigut tunngaviliuppi motorvejikkut biilernaveersaarsimanini. Motorvejikkulli biilernerup kilometerit amerlanerulererannik kinguneqartarnera nalinginnaasuovoq.

Naammagittaalliorup nalunaarutigaa, isorartussutsit krak.dk ikiorsiullugu nanineqartartut 25 – 45%-illu akornanni nikerartartut. Ilumoorpooq aqqusinernik suliaqarnerit, kukkusukkut ingerlanerit, orsernerit/nerinerit assigisaallu pissutigalugit nikingasoqarsinnaasarnera nikingasoqartarneralu. Nikingassulli ima annertutigaaq, pissutigineqartut kisimik pissutaasinnaanatik. Tunngavagineqartut saqqummiussat tunngavigalugit Akileraartarnermut Aqutsisoqarfiup taamaattumik inuussutissarsiornermut atasumik kilometerit atorneqarsimasut missiliuussiffigisariaqarsimavai, aammalu taamaalilluni tamatuma sunniutaatut privativik biilersimanerit annertussusaat taamatuttaaq missiliuussiffigisariaqarsimallugit.

Akileraartarnermut Aqutsisoqarfiup inuussutissarsiummut atasumik naapiffissatut taaneqartunut biilersimanermut missiliuussinera biilernermut Krak il.il. naapertorlugit naatsorsuinernut (motorvejikkuunngitsoq) 10 %-imik annertuneruovoq. Akileraarusiinermik aalajangiisartut paasinninnerat malillugu Aqutsisoqarfiup missiliuussinera aqqusinernik suliaqarnerit il.il. pissutigalugit suli tannerusumut biilersimanissamut inissaqarpoq, privativillu biilersimanermut missiliuussineq taamaattumik naleqqutinngitsumik biilernertut qaangiinnarneqarsinnaanngilaq.

Akileraarusiinermik aalajangiisartut aalajangiinerat

Akileraartarnermut Aqutsisoqarfiup ukiuni aningaaasarsiorfinni 2012-imiit 2014-imut akeqanngitsumik ineqarnerup nalinganik nalilersuinera **aalajangersarneqarpoq**.

Akileraartarnermut Aqutsisoqarfiup ukiumi aningaaasarsorfimmi 2013-imi Kalaallit Nunaata avataani akeqanngitsumik biileqartinneqarnerup nalinganik nalilersuinera **allanngortinneqarpoq**, tassami saniatigut 389 km-it inuussutissarsiummut atasumik biilernertut isigisariaqarmata. Privatimik biilernerup nalinganik naatsorsuineq kr. 1.556-inik (389 km á 4 kr.) appartinneqarpoq.

Naammagittaalliortoq taamaalilluni naammagittaalliuummi ilanik isumaqatigineqarpoq.